

兩當軒詩鈔卷十一

武進

黃景仁

仲則著



長寧

趙希璜

涇川校

趙涇川全卽題其紀遊詩卷

三年詩破笑萬里客排門衣卸雲千嶂譚傾海一尊疊成新
鳳曲招得古梅魂昨夜思君夢羅浮掛月村

秀江夜泊

夜氣一何悄悄扁舟繫古杉潭空孤月印峯黑一燈眩薄霧侵
殘蠟清霜戀故衫徘徊難久立懼有老蛟鏡

屈賈祠

雀窺虛幙草盈墀日暮誰來弔古祠楚國椒蘭猶自化漢庭

兩當軒詩鈔

卷十一

絳灌更何知千秋放逐同時命一樣牢愁有盛衰天遣蠻荒
發文藻人間何處不相思

過馬氏宮址

此地當年歌舞盈沉沉別殿宴三更一時粉黛齊回首東野
新填樂府成

俄令野屋化千門匠手居然帝業尊開遍天桃又穠李東風
忙煞會春園

纔從宮樹聽啼鳥旋見荒臺叫鷓鴣不用官家親飲馬一鞭

已塞洞庭湖

長驅紅粉出荆關舊日承恩數阿蠻老大飄零人不識月明

低唱望家山

野望

由來卑濕地，悵望一淒迷。
遠服通三郡，蠻烟接五谿。
思親無雁過，爲客又鶯啼。
貧病孤舟好，天南息鼓鼙。

僧舍上元

獨夜僮樓強，自憑傳柑時。
節伍寒癡怕，聽歌板聽禪。
板厭看春燈，看佛燈好。
景笑人常寂，寂春愁泥我。
漸騰騰今年，準擬捐花事坐斷，蕭齋一榻纏。

難忘曲

芙蓉作陣，落江水斑竹。
淚枯愁帶子魂兮，飛來立江臯。
江烟凝白，下復高魚腹。
已穿顏色好，衣冠死灰人。
未老酌君酒，分當相思人間難忘，惟別離。

兩當軒詩鈔

卷十一

二一

奇麗亭

書疏經年，閩鄉關共遠。
天遙知一橋，下時泊五湖船。
君門前橋名曰一

橋余之武林 湘草已堪折，塞鴻何處邊。
飄零吾分定，愁殺路

三十

君問長沙地，荒涼爾未經。
迎神猶故曲，賦鵬尙空王。
庭魑魅天南產文章，地下靈憂生兼弔古，那不鬢星星。

每放登高慟，浮雲爲慘悽。
湖吞全楚盡，天壓百蠻低。
才命古難一行藏，我欲迷懷人原有淚，况聽暮猿啼。

耒陽杜子美墓

得飽死何憾，孤墳尙水濱。
埋才當亂世，併力作詩人。
遺骨風塵外，空江杜若春。
由來騷怨地，只合伴靈均。

洞庭行贈別王大歸包山

太湖亦名洞庭而太湖之包山暨洞庭之君山皆有洞庭之名

洞庭一瀉八百里浮雲貼天天浸水君山一點礙眼青却似
今日酒酣別君之塊壘問君來何爲欲浮湘沅窺九疑問君
去何以爲性蛟龍畏山鬼送君洞庭水言歸洞庭山洞庭之
山具區裏八九雲夢吞其間山名水名一而已吳楚間關幾
千里誰知地道巴陵中金庭玉柱遙相通吾儕俗骨不能到
但看長風巨浪心忡忡楚人肯道七澤小吳儂但誇具區好
橙黃橘綠鱸膾鮮我怪君行猶未早與君同時客殊方看君
獨歸心自傷蠻烟瘴雨土舟濕留我寄命於茲鄉但得相逢
似人喜此日天涯可知矣安能鬱鬱久居此明日扁舟亦東
耳前途待我烟波中急棹來追了皮子

兩當軒詩鈔

卷十一

三

把酒

把酒意如何深宵幽感多春心憐逕草生意撫庭柯名豈身
能得愁將歲共過由來著書願禁得幾蹉跎

哭叔山先生兼懷仲游

我生受恩處虞山首屈指我愧視猶父視我實猶子鞿幃識
諸郎入坐皆蘭茝君也交更深經年共膏晷北海時一樽環
顧公心喜跌宕饒天情球磨究名理與世殊酸鹹於物少臧
否自謂春風中偕坐從此始

無何狂飈吹萬變在轉盼絳帳儻已虛人琴忽長判君復輕
裝來束書別同伴幽堂落月中一見淚如霰豈意吾兩人如
此作聚散短衣復出門氣結肝腸斷

君旣歸虞山五行詰新安使道一握手相對同撫棺榭杯一
萬樹血淚爲之殷浮雲一千里飛去何時還苦語未及悲別
曲歌將殘十步九躑躅回首隔吳關

作客如在家在家反如客所以三年來衣上塵土積昨過西
州門芳草又萋碧驚心匪日暮觸目少晴昔爲念同袍人中
感更紆塞疾病俱顛連關河况阻隔良讎詎可劫庶幾夢顏
色

夜與方仲履飲

細酌向明月含情問柳條春人俱欲去直是可憐宵

春夜雜詩

開尊綠陰下晚景漸飄忽薄霜收斜暉餘光讓初月望望碧

兩當軒詩鈔

卷十一

四

天遠稍稍愁思發停尊無一言竹看新絃沒

初三夜
獨飲

輕陰積孤館枕簟流微涼浮雲靜中過露氣綠宵長捲簾忽

有得草木同一香愛之久延佇餘濕沾衣裳

初四夜微
雨尋霽

香草滿澤國興言泛蘭舟飛花蕩江水日暮遊人愁盼遠漠

無笥緘情湖回流殘陽浦雲外半月烟林頭解衣坐當檻宿

鳥方啾啾

初六日遊橘
洲歸有月

朝來送遠客春雲爲我陰別時一樽酒餘醉猶惜惜飛雨過

窻樹穆然簾幃深獨立忽成怨相對少素心遙知艤舟處應

在青楓林

初七日送王大
蔚如別夜微雨

秉燭達夜闌身爲遠行客作書慰故人短絀不盈尺冥心一

沉思手采殊未隔清光一千里爲我寄長憶夢短關山長欲

往何由得

初時發作味
辛雜存書

背手巡空垣皓魄忽堆素合曉暉餘疑低頭影相步驚禽時
一翻簷花落無數微微辨游絲暮暮入深樹

十一
夜

池上獨飲

偶把池邊釣因看檻外山孤心遂一徃竟日未知還含意待
誰解經春此破顏陶然已沉醉夢繞綠蘿間

聞子規

聲聲血淚訴沉寃啼起巴陵暮雨昏只解千山喚行客誰知
身是未歸魂

江上夜望

推篷失孤鶴雙槳倚蘭皋雲爭江空處無人月自高

兩當軒詩鈔

卷十一

五

黃陵廟

地老天荒處千秋帝子心人間離最苦竹上淚猶深目斷珠
邱杳魂歸澧浦陰至今嗚咽水二十七絃音

遠祀常留楚焚山斷目秦波濤猶阻客風雨自隨身香草皆
遺蛻湘纍是替人揚靈如可接我亦唱迎神

三江口阻風

櫂葉陰中水霧腥鷓鴣啼處一舟停無端浪挾巴邱白不盡
天垂梧野青窗外三江流浩浩雨餘七澤氣冥冥風波如此
來何事日暮愁心滿洞庭

湖上阻風雜詩

蕭蕭落木動微波自古湘中有怨歌一十二峯青曲曲綠雲

多處見湘娥

云云水氣變朝昏日色如灰轉眼沉時見空中紫烟氣定知何物在湖心

平湖八月浩無津明月蘆花思煞人縱使洞庭齊化酒只宜秋醉不宜春

長沙秋色遠蒼茫今夜扁舟又此鄉生怪三江合流處最禁人望是瀟湘

楚天歸思暮飛騰破浪乘風病未能若是吳山通地穴何須

辛苦下巴陵

山海經注君山有石穴通吳之包山

黃鶴樓用崔韻

昔讀司勛好題句十年清夢繞茲樓到日仙塵俱寂寂坐來

兩當軒詩鈔

卷十一

六

雲我共悠悠西風一雁水邊郭落日數帆烟外舟欲把登臨倚長笛滔滔江漢不勝愁

鸚鵡洲

朝發漢陽郭言訪鸚鵡洲沙浮草萋碧中有萬古愁我昔悲正平懷刺無所投繼復愧正平隨地成羈留依人而媢罵若與性命仇惜不死奸操深計爲所售士生處亂世無才匪深憂豎子亦已矣俯仰悲千秋

漢江曉發

露白葭蒼候江清漢廣間五更乘曉月一路看秋山鷗夢先人覺雲心比客閒乾坤此空濶放棹未知還

武昌雜詩

上游形勢百蠻分黯慘蠻天易夕曛西上荆門江一綫南來
衡嶺雁千羣郢中有客皆詞賦楚國何峯不雨雲誰信曲高
真和寡至今延露總難聞

由來作鎮未堪都花草吳宮又廢墟江漢欲浮天地外山川
渾老戰爭餘舳艫銜尾心空壯鐵鎖沉沙計早疎我喜時清
久延眺未因貪食武昌魚

夾岸雙城陡翠微登臨誰與共清暉更無老子連床語敢望
仙人跨鶴飛嶺上鳳凰歸未得月中烏鵲去何依漢陰咫尺
愁相望何日勞生此息機

魯口帆檣取次開扁舟常繫鵠磯隈三春無樹非垂柳五月
不風猶落梅樓上休誇崔顥句天涯誰識禰衡才可憐夙負

兩當軒詩鈔

卷十一

七

黃董譽漂泊翻成異地哀

兩當軒詩鈔卷十二

武進 黃景仁 仲則著

長寧 趙希璜 渭川校

黃州

青山壁立浪飛銀，蝶翅杼枵瞰水濱。
隔岸武昌猶有樹，下流彭蠡漸無津。
祇應風月歸吾輩，誰見功名似昔人。
解唱大江東去曲，蘓公真是再來身。

月中泛小孤山下

烟水月明處，中流一溯洄。
湖過彭蠡盡，潮到小孤迴。
獨鶴掠舟過，神魚聽曲不知疎。
柳岸長笛爲誰哀。

夜登小孤山和壁間韻

兩當軒詩鈔 卷十二

闕寢神宮最上頭，客來孤歎海關秋。
誰標鐵柱成終古，却笑金焦屬下流。
崖勢欲隨鷺鶻颺，鼓聲時逐怒濤浮。
彭蠡相望情何許，指點蛾眉月土洲。

舟中望九華

九峯何巖劣，秀出東南隅。
分根擲黃海，削黛參匡廬。
名與八桂泐地近，三天都楚江。
走其下，練帶烟中鋪。
秋水淬劍鏗，清波濯芙蓉。
天色磊破碎，雲氣交糝糊。
前景轉盼失，後態觸睫俱。
可望不可卽，信矣高真居。
一帆去何駛，百里青猶餘。
長呼籲仙人，山中近何如。

荻港舟次遇徐遜齋太守罷官歸滇南

浮雲變態何須更，此翁今作溪上客。
見山一笑神已往，隨處

題詩興成癖意外相逢山水間驚定成歡話疇昔疇昔五馬
來江東停麾問俗何雍雍黃州竹樓卧蕪軾新安練溪釣任
公公先佐黃州後守新安僕也騎驢看山至一榻陳蕃荷高誼雅吹投
壺興有餘風前時露烟霞氣紛紛賓從厭梁肉公也齋居飽
饋粥一魚不受清已極五袴得歌樂亦足今朝襍被歸去來
侘傺妻孥散僮僕片帆曉拂菰蒲開隻影夜抱魚龍宿我聞
碧鷄山與金馬連名勝秀出西南天公也茅屋居其間數頃
尙有桑麻田著書歲月且未艾翁自樂此何憂焉只有賤子
商更語東山且休卧漢廷早晚起循良

靈澤夫人祠

兩當軒詩鈔

卷十二

十一

空江落日黯祠門鬢髯雲裳涕淚痕一慟無由恩已絕兩家
多故事難言千秋杜宇休啼血萬里蒼梧合斷魂終古湘靈
有祠廟流傳真偽更誰論

天門山

我登南梁山下瞰岷江流大江天險限南北茲作巨鎮當上
游能蹲獅伏勢絕陡急湫盤渦此間走初疑鱉窟忽掀翻倒
插雙螺礙星斗梁山博望二而一導江忽劈巨靈手兩崖屹
立成千秋却笑龍門只培塿嵌空怪石何崑崙萬丈起自蛟
龍宮陰崖破碎浪花蹴絕頂的皜霞光烘潯陽九派浩東去
徑須一束緩其怒從此滔滔入海流此是江山不平處江山
鎖鑰當吳頭上流有事茲咽喉誰知設險固無益興亡過眼

誰能留寄奴宮殿今何在王濬樓船萬古愁

僧齋夜詠

一卧維摩室閒身耐寂寥經魚敲落月佛火引深宵避薄思
捐劍逃聲欲棄瓢何因老松檜風雨尚蕭騷

對月

鍵戶謝人事茅堂夜色虛月明經客久風意逼秋初親老曾
猶健交稀病更疎還遲卜居願吾亦愛吾廬

城南晚步

空城何莽莽風色肅以高荆蕪翳崩堞亂鳥鳴相號一葉得
秋意吹墮溪塘均踽步慘無憚萬曉萬感交悲哉秋氣淒六
合爲蕭條身計無一成少壯已二毛山邱忽零落顧影馳驅
兩當軒詩鈔卷十二

三

飄所以古先哲相勉惟濁醪無爲末士感永貽來世勸

新涼曲

聞道邊城苦霏霏八月霜憐君鐵衣冷不敢愛新涼

十八夜偕稚存看月次韻

西風嫋嫋露溥溥一葉驚心墮曲欄久病倍添明月好此時
真共故人看但工飲啜猶能活莫說飄零怕減歡自分無才
合蹉跌深秋料理釣魚竿

舟泊偕稚存飲江市次韻

小住征橈醉旅亭晚鐘烟外正星星不知明月幾時有但見
數峯江上青葭菱暗時秋雨過魚籠多處濕風腥鄉關此夜

休回首極目川塗正杳冥

舟中再疊前韻

萬株衰柳黯津亭湖海相邀作客星此去故人衣脫白但逢
狂客眼同青江城雁帶邊聲苦澤國秋蒸海氣腥襪被依依
兩愁絕夜深擊楫溯空冥

三疊前韻

柳外長橋水上亭舊遊零落似晨星懷人有恨蒼葭白照客
無眠夜火青幾度塵衣淚沾濕多時短鐵氣餘腥漁翁未識
風波苦一曲滄浪去釣冥

中秋夜游秦淮歸城南作

城南好酒如春泉醉塌酒家樓下眠醒來露重葛衣冷正見
皓月當中天呼鐘起步六街去香塵寶轂清溪邊玉簫子夜

兩當軒詩鈔

卷十二

四

聲未歇離姬十五歌可憐此時據鞍我亦樂顧影不覺猶少
年惜哉花月只空度春江回首愁如烟去年此夜人初別今
歲今宵已成憶懷人中酒自年年此時愁煞天涯客桃葉渡
莫愁湖昔日佳麗今有無殘金賸粉弔不盡徘徊漏下啼城
烏啼烏啞啞天將曉走馬却出長干道到此惟餘萬古愁荒
荒月落高城小

閒居感懷

齋居屏煩綠百慮乘我急吉人尙寡辭達士厲高執我生何
懣懣寓物易歌泣學道無死心兀抱枯骸立邪陷正色衰神
廷鬼氣入五蓋游相蒙四感紛以集詰朝理容成撫鬢黥鳴
吧所處若長夜百年何所及春華散條柯秋爽被原隰逢欣

稍於於紆感仍邑邑投境罕靜探懷古味深汲多言竟何成
認詞徒結習安能凌風翔永謝塵網繫

過維行留宿燈下次韻

短檠同話雁來天角盡巖城思悄然衣上黃河懸別淚尊前
錦瑟記流年壯懷未許看雲卧遊地重邀聽雨眠知爾生平
亦蕭瑟好拋幽懷結纏綿

重九夜偶成

悲秋容易到重陽節物相催黯黯傷有酒有花翻寂寞不風
不雨倍淒涼依依水郭人如雁戀戀寒衣月似霜差喜衰親
話真切一燈滋味異他鄉

步從雲溪歸偶作

兩當軒詩鈔

卷十一

五

多時縱腰脚百病成一慵今來眺原麓氣候歸初冬疎樹語
撼撼薄雲卷空空視聽及蕭索寸心驚飛蓬枯草踏成路下
與清溪通落日見隻影乃卧寒流中澤淺魚避餌收釣溪生
風太息歸荆扉燈火慘不紅興至偶欲賦景失無由踪惟應
付沉醉□□□□窮

驟寒作歌

秦歲首後七日夜五更不周風發狂殷山萬竅拉枯木壓地
徑寸堆酸霜千門蝟縮盡嗟息聲薄冷圭成白光去冬途中
徹黑貂今秋江上典鷓鴣多年衣絮凍欲折氣候有爾自不
防富人一歲獨苦暑寒人四時惟畏涼漸愁空墻日色暮豫
恐北牖寒宵長誰將彤雲變狐白無聲被遍茅簷客

屠清渠丈過飲醉復作山水幅見遺

先生一笑如河清醉後往往一見之卽令不飲持大盞已覺
春氣盈鬢骨平生胸中富邱壑意象獨到無專師常時兀兀
不動手醉來潑墨風雨馳長虹俯吸海波立乖龍吐蹴天雲
垂及當精心運毫末雙目炯如漆點脂圖成掛我竹間屋恍
有光怪來窮追翻樽却避坐上客索栗怖走鄰家兒先生掀
髯忽大笑壓興還用傾千卮鄙人不飲喜觀飲先生善畫兼
愛詩短鎌尺幅許投贈日來爛醉無不宜我歌君飲萬事足
更看醉墨揮淋漓

冬夜左二招飲

清霜壓東郊寒籟號北牖出門無所適動詣素心友發甕傾
兩當軒詩鈔

卷十二

六

凍醅醴鮮飲巨口輝輝明燭光肝膽此共剖脫身風塵中所
膺持螯手誰知歲寒夜復此共杯酒元龍氣未除竹馬期敢
負百年盡今夕那暇圖不朽作達信有涯生天獨甘後及時
且斟酌不薄乃云厚漸畏人影亂卽歡變回首一身墮地來
恨事常八九飲罷夜氣高落落數星斗

十三夜復飲左二齋頭

疾風吹野霜我心感孤獨轉側念同袍燕晚共羈曲斗酒相
慰勞攄抱無踏踟躕暮色蒼然來朗吟擊空木昔悲緣分飛後
憶此信宿各懷萬里志且復對短燭願回君子心與厭小人
腹萬事有明日盈觴更相屬宵短難繫繩飲深漸頽玉我舞

方傲傲鄰雞莫相促

問渡

道逢漁父來指點停舟處
只在小橋邊風吹著溪樹

石鄉道中舟泛

好是日斜候吟詩上野航
過橋人語聚繞水磬聲涼
小飲魚蝦市新寒薜荔裳
棲遲聊自慰風景似吾鄉

寒夜檢邵叔山師遺筆

三年誰與共心喪舊物摩挲
淚幾行夜冷有風開絳幄
水深無夢到塵梁殘燭半落
加餐字細楷曾傳養病方
料得夜臺聞太息此時憶我
定徬徨

二十三夜借稚存廣心杏莊飲大醉作歌

安得長江變春酒使我生死相依之
不然亦遣青天作平地

兩當軒詩鈔

卷十二

七

醉踏不用長鯨騎夜夢仙人手提綠玉杖
招我飲我流霞卮

一揮墮醒在枕席神清骨輕氣作絲
日來不免走地上齷齪俯仰同羈雌
寒陰壓戶不能出幸有數子來招攜
迅猋騰我沙拍面此際爛醉真相宜
旗亭聞飲西達子萬斛瀉盡紅玻

璃孟公肯顧尚書約李白笑殺襄陽兒
出門霜華被四野坊

入口樾隨高低須臾荒荒上殘月
照見怪木啼饑鴉徘徊坐

卧北邙地欲覓鬼唱秋墳詩東方漸白
寺鐘響遠林一髮高

天垂下窮重泉上碧落人間此樂誰當
知此時獨立忽大笑

正似夢裏一吸瓊漿時

殘月

殘月缺半規窈然碧虛色臨茲芳讌空
坐增華亭惜鏡掩漢

官秋花飛洛城夕停觴一徘徊終古愁不得亮無媼皇石誰
鍊陰精魄

別老母

寒幃拜母河梁去白髮愁看眼淚札慘慘柴門風雪夜此時
有子不如無

別內

幾回契濶喜生還人老淒風苦雨間今夜別君無一語但看
堂上有衰顏

幼女

汝父年來實鈔歡牽衣故作別離難此行不是長安客莫向
浮雲直北看

兩當軒詩鈔

卷十一

八

老僕

飄零應識主人心仗爾鋤園守故林數載相隨今舍去江湖
從此斷鄉音

和杏莊贈別

我生篤求友識子非等閒晤語不幾日別路愁間關屈指共
征序冬乾變春繁逝水不顧反縱蹄難復閑學爲枹梗浮遂
老澗洞間崇坂一何厲盤盤上青天畏途閱孔多隨驢輕且
軒有客歌慷慨贈我金石篇所慰匪餐飽閱最惟省愆在迷
甫戚戚當悟方卓然敢請今日始奉此相周旋行矣不可留
日暮天且寒

二道口舟次夜起

覆浦輕雲薄似紗
暗潮汨汨蕩舟斜
舟雖暫繫仍爲客
夢爲無聊懶到家
五夜驚風眠岸狹
一灘明月走汀沙
微軀揔被無田累
來往烟波閱歲華

舟次寒甚排悶爲此

春江異風候
今昔變
受涼袍
少故人
脫綿餘
慈母裝
寒醒五更酒
濃壓一篷霜
此際惟珍重
誰憐在異鄉

一笑

一笑陶然醉無聊
失路人素心
雲外月白
眼道旁
春認屐將
毋錯懸蛇恐
未真催詩
且多料
客計未全貧

春日和容甫

昔我之出矣
春山噪寒禽
東風一飄蕩
春色窈以深
今朝眺兩當軒詩鈔卷十二

九

原野烟景何沈沈
繁葩曜初旭
密樹參高岑
絢爛亦云極
但覺意蕭森
遵渚緬故逕
攀條思舊林
詎惜歲華促
難爲遊子心

送春三首

昔我初從江上至
春風萬里隨
帆檣多時水
村見桃李一雨沙
渚生菰蔣比來掩
閣青山旁
主人歷酷喚
客嘗生芹苦笋
日登饌
暗覺節物辭
青陽短歌不豪飲
不狂風禽對我當空

翔

此身卑賤無一能
矯吭但欲爲新聲
淫哇韶濩世莫辨
當歌忽覺傷我情
飛而食肉負骨相
老饕大嚼聊爲生
平原十日醉未醒
一朝辭我歸
榛荆因茲對食
每不御感恩
七尺鴻毛

輕十年未知所死處盛時往矣悲瑣屑

朝遊滄海暮江漢余懷渺兮發浩嘆水深網斷珊瑚沉佩去
懷空彩雲散側聞天上朝星辰誰知人間茹冰炭長夜耿耿
魂煢煢憂從中來那能斷燭龍收視若木摧何時得見閭闔
爛玉蚪高駕倘見招急叱羲輪出平旦

雜詩

謀懼知幾日戚戚復何爲交淺詎能怨情傾爲所知看山宜
石骨聽樹識風伎好斂長虹氣浮雲不滿吹

春暮呈容甫

先生吟太苦終日閉荆關我亦詩窮者邀君數往還對床聽
夜雨分枕夢青山一任春江上流紅萬點殷

兩當軒詩鈔

卷十二

十

三十夜懷稚存

削跡少歡思中宵影目娛勞生常鹿鹿卽事每烏烏到枕江
聲近聞鐘夜氣孤因懷舊遊伴獨憶故人無

尹范同衣日荆高縱酒場吟風推兩小立雪忝同堂

同在邵
虞山夫

子門下我病甘搖落君才更老蒼白頭期望意豈獨在文章

和容甫

三五讀書策結懷嵇阮壽生身苦非時不得同遨遊橫几覽
禹貢靈產鬱九州邂逅豈不識索處誰相謀驅車涉伊洛仗
劍干戈侯紛華敢馳慕邱垤不滿畔風禽愧短翮出谷徒喞
喞乃知天下士定在風塵收銜吁返征駕矯望立路周長此

求友心六合何悠悠

大雅久淪沒巍然見時英作述千載上死灰起世精氣吐相
感激長揖如生平誰令黃鐘節掩以瓦釜鳴相樂反相泣出
涕何縱橫十千置斗酒不惜爲君傾高筵列華燭美女調繁
箏揮手不能顧悅耳非新聲藉無師消奏何以移我情

雲中見祥鳳百鳥無文章
交洲產嘉桂百草爲不香
修辭富華實秉操逾圭璋
翺使一國中撫掌嗤其狂
悲心入秋夜苑邑思飛揚
終朝逐塵鞅踈路旁
衆中獨我親亦知我心
傷兩小皆失怙哀樂頗
相當貧賤易相感况復
齊孤芳盛時忽晚再
逝矣摧肝腸

兩當軒詩鈔卷十三

武進 黃景仁 仲則著

長寧 趙希璜 渭川校

短歌

清江瀾瀾白石粲粲小星熒熒大星爛爛
參龍不如魴蝦蛟鳳不如鳧雁賤修不如貴
天饑聚不若飽散

曉發牛渚磯

短帆拂曉春江上
鮮雲生纈波如掌
一聲轉枕過蒼巖
驚起白鷗飛兩兩
三山已盡牛渚來
巉崖三面排江開
昔人一矢鬪天險
卽今無浪猶風雷
我來捨舟登絕壁
萬丈高寒盪心魄
水深不見燃犀人
斷霞魚尾星星赤

兩當軒詩鈔卷十三

太白墓

束髮讀君詩今來展君墓
清風江上灑然來我欲因之寄微慕
嗚呼有才如君不免死我固知君死非死
長星落地三千年此是昆明劫灰耳
高冠岌岌陸離縱橫擊劍胷中奇胸鎔
屈宋入大雅揮灑日月成理詞當時有君
無著處卽今遺躅猶相思醒時兀兀醉千
首應是鴻濛借君手乾坤無事入懷抱
只有求仙與飲酒一生低首惟宣城
墓門正對青山青風流輝映今猶昔
更有灞橋驢背客賈島墓亦在則此間地下真可
觀怪底江山總生色江山終古月明裏
醉魄沉沉呼不起錦袍畫舫寂無人
隱隱歌聲繞江水殘膏剩粉灑六合
猶作人間萬餘子與君同時杜拾遺
空石却在瀟湘湄我昔南行曾

訪之衡雲慘慘通九疑卽論身後歸骨地儼與詩境同分馳
終嫌此老太憤激我所師者非公誰人生百年要行樂一日
千杯苦不足笑看樵牧語斜陽死當埋我茲山麓

江上寄左二杏莊

江流日歸海客心常與東神遊越枝外目斷吳雲中激蕩水
石響淒晦草木風渺軀乏豐羽輟轉逐驚蓬一別西巖道五
過館娃宮繁華不足悼逝景何匆匆幸有澗樓約還悲川嶺
重蕙榮尙不歇遲我春山空

迢迢達長夜歡讌時耿耿層城匿迢越廣陌交馳騁揮觴送
白日流連逐光景修軒俯河梁落月度帆影剪燭未及短別
離甫在項林猿嚮晨悲露鶴入宵警寸襟隔千里端憂各延
兩當軒詩鈔卷十三

二

頸長此空中書淚下如磨練

憶徐遜齋滇南

黔山插天練水清此間那得猶宦情送公江上拂衣去南雲
萬里天空青冉駝大會從問字泫水老龍來聽經桑榆萬事
堪不朽坐令遠徼開文明我胡不樂梁園行昔時綵筆今無
靈落魄彌思受恩處此身只合隨鴻冥昨宵魂夢到公側玉
案山頭劇扶蒼

對月詠懷

來時梅花點行驂桐陰萋翳今滿簷堂堂歲月背人駛對此
清夜能無慙讀書擊劍好身手野性束縛難爲堪文冠越客
古所嘆監厨借面生未諳風前淒亮折楊曲夢中宛轉隨湘

帆豪吟狂賞下幾日豈意造化噴吾貪飄蕭舞袖動中宿惚
桐酒悲生半酣後人笑我太寂寂我謝此固非吾甘江上主
人五湖長年命可待何容謙匪壺擊缺月落去靜聽城鼓搥
過三

十六夜

曳華尋吟萬綠中霏烟襲月共長空四圍冷合山嵐氣一片
腥吹草木風愛聽歸鴻催滅燭似聞宿鳥訴驚弓苦哦動輒
兼長夜燕蝠休爭口角雄

夜坐寫懷

白日長吁靜夜歌飛揚慷慨欲如何四休願只飽休足三上
吟偏枕上多相對無猜惟酒盞等閒難著是漁叢作詩辛苦
兩當軒詩鈔卷十三
誰傳此一卷空宵手自摩

三

夢孤山

首暮林和靖平生亦愛梅遠廬三百樹一一手親栽霜冷月
孤落山空我獨來耳邊猶鶴唳殘夢已飄回

書館卽事

驟雨颯然過天青薄陽出澹澹空墻陰暉暉遠林沒客序復
朱明寒飈尙蕭瑟蕉心怯涼卷桐葉淨陰密草馨悅羈魂水
氣明暗室地偏閒無人長歌時抱膝俛仰變晨暮開闔從書
帙豈不懷飛騰倘來事難必

夜坐述懷呈思復

密篠崇蘭露氣昏草堂促搥倒深樽燈前各掩思親淚地下

偏多知已恩似水才名難療渴投間芳序易消魂滄州散髮
他年事遲爾清江白石村

雜詩

衆煦欲漂山聚蟲亦成雷寸心一猶豫不復全瑰竒行樂居
要津乃受前賢欺擾擾百年盡歌鐘生暮哀緬哉蘓李交閱
最當生離斯人不可作俯仰使心悲

流俗徇耳食真賞難可遇聞聲或相思日進反不御叩門况
拙辭望氣已無豫遂使懷竒人進退失所據駿馬嘶交衢三
日無一顧歸來服鹽車努力待遲暮

舟中詠懷

桃花新漲碧無垠夢裏漁歌半隔津自笑出門無遠志五湖
兩當軒詩鈔卷十三

四

三畝是歸人

寄王東田丈

丈人昔日真好竒步行荷戟隨征西隻身所壘沙滾滾隨手
殺賊風淒淒功成乞身不受賞萬里携得乎戎詩功名世上
豈公意意氣平生真我師蘭陵城邊醉君酒落魄閒踪無不
有半酣跨出五花驄顧盼依然射生手有時對客脫衣舞肘
後創瘢長尺許笑携鐵笛作龍吟悶撥檀槽學羌語感恩懷
舊更歛歔老去雄心變悽苦昨夜西風斷玉關傷心廣利未
生還將軍殘容田疇在慟哭秋原落照間請纓昔詫從軍樂
仗劍今歌行路難天青落落華不注飄若浮雲且東去石田
茅屋待公歸七十二君封禪處別去音書阻大河夢中常見

涕洟多兩城耻逐博徒飲深夜還遭醉尉呵我亦年時苦蕭
瑟剩有空囊未投筆憂來更上仲宣樓一劍期將知已酬逕
欲短衣騎馬至風毛雨血北岡頭

喜雨

飛雨江上至白雲飄滿楹風色亂庭綠羣鳥號歸聲初響極
翻軋未勢猶矜訇人意各斂愕土氣沉兮腥須臾黑陰過縷
縷天闕青長虹東嶺出兩脚西山明頓覺葛衣薄坐對疎簾
清快哉消積暑况乃愜農情

夜坐有懷

移席綠陰下修軒過雨餘風淒螢火定月潔柳烟疎對影三
人共思君半枕虛幽憂長抱膝良夜待何如

兩當軒詩鈔

卷十三

五

懷方仲介閩中

兩曜孰鞭叱盛時不我留歡愛復乖阻撫景懷百憂魚書滯
越嶠桂楫淹吳洲夙負王貢約今阻羊何儔無諸建國地幔
亭山樂稠長波撼鐵嶺急峽斷金牛臨跳信悅魄思歸尙凝
眸華聲蜚竹箭健賦凌丹邱蹉跎各垂翅霜雪漸盈頭鶴唳
關山夜風高木黍秋相憶不相見倚柱發長謳

夜坐懷維衍桐巢

劍白燈青夕館幽深杯細倒月孤流看花如霧非關夜聽樹
當風只欲秋吳下酒徒猶罵座秦川公子尙登樓天涯幾輩
同飄泊起看晨星黯未收

江口阻風宿僧寺

遠山蒼蒼林木幽林深山暮行人愁燈光遠引得蕭寺如倦
鳥獲高枝投僧衣三兩性樸率畧詰居里邀相留橫扉置榻
甫離地析薪熬粥不滿甌中宵輾轉終不適破橋敗籬風颺
颺我行江山已半月掛帆欲往阻石尤今朝天氣快晴美策
蹇來看金陵秋無端失路此間宿萬事真怪非人謀寺鐘漸
歇曙鴉起草草盪激還登樓對面正見鍾阜樹來路却背青
溪頭依然攬衣出門去留有餘戀勞回眸日光到地至江口
孤篷移待蘆花洲長年迎諫告風便登舟火急開中流風聲
耳後條浩浩身世依舊魚龍浮

三月十六日

三月十六天晴和千帆爭溜齊唱歌中流忽然怒颺作天吳
兩當軒詩鈔卷十三

六

駕浪陽侯波回橋一退五十里自采石至芝麻河陰雲如掌
條布密恍惚濤頭走靈物舵樓屏息不敢言眼看前舟後舟
沒號呼未畢聲俱沈良久篷牕或浮出我舟著岸如有神樓
櫓漂裂人猶存須臾雨過天墨色事定清淚翻沾巾嗟我何
爲亦挺險脫有不測無此身轉笑適來呼吸頃正舊危坐亦
欺人

夏夜

闌風伏雨吹十日作此酷暑如蒸燻樹陰不肯動毫末月出
照面黃於金江城如斗江氣濕萬派濤聲靜中合夜深鷓鴣犬
寂無聞起舞悲歌繼之泣辜負爲肩火色人侯門襪襪百酸

辛絕憶水雲空濶處夜涼垂釣蠡湖濱

遊白沙庵僧舍

偶展登臨興攀蘿到上方江流送今古僧話雜興亡漱罷水泉冷聽沉山磬涼歸來林塢夕高處尙斜陽

湖上和酬仇麗亭

袖裏琅玕一笑投憑欄朗誦破枯喉湖山本是君家物風月翻添客裏愁

贈詩有錦囊收拾西湖云之句

夾岸晚荷香墮水一堤烟柳澹

思秋采菱聲散橫塘暮多病詞人莫倚樓

寒夜曲

客苦吟雲陰陰客吟苦天亦雨雨浙浙風澌澌孤燈縈曳刮作絲欲滅不滅饑聽疑風大起雨忽止凍鼓無聲破柝死深巷小兒呱呱啼床頭阿母知未知

兩當軒詩鈔卷十三

七

春夜聞鐘

近郭無僧寺鐘聲何處風短長鄉夢外斷續雨絲中芳草遠逾遠小樓空更空不堪沉聽寂天半又歸鴻

客中清明

新火依微出遠村天涯時節獨開樽故鄉陌上多車馬是處墳頭有子孫柳帶緘來沾別淚石泉夢後愴吟魂此間我亦思家苦遠郭青山似白門

三月一日道中偶成

馬上年華似擲梭兩顛風駛奈愁何三分花事二分去九十分春光六十過幾陣蕭聲山店遠一鞭柳色酒旗多壓鞍詩思何能遣半爲懷人感逝波

春盡曲

楊花飛游絲颺兩地相逢不相讓畢竟楊花性更柔因風復
上楊枝上游絲一縷當空垂欲落不落花甦甦須臾駐向花
陰去有意尋之不知處楊花飄蕩絲纏綿游子心傷望遠天
寄語高樓休極目烏啼花落自年年

遇伍三

君問十年事淒然欲斷魂一無如我意儘可對君言別屢足
猶在鞭多舌幸存相期著書好歸去掩蓬門

宿舍夜月

寂寂諸天夜氣中閣黎粥後飯堂空低頭雲影時爭月入耳
松濤獨受風遠跡已堪隣虎豹定心可許問魚龍一龕彌勤
兩當軒詩鈔卷十二

迨相對歲久琉璃炤不紅

八

醉醒

夢裏微聞聲荀香覺時一枕綠雲涼夜來忘却掩扉卧落月
二峯陰上床

石齋塢洞天福地遺址

地爲張三
丰仙處

烏道一綫懸崖開攀蘿盡處登丹臺仙人蟬蛻去已久遺像
剝落蒙塵埃石床丹竈雨氣濕一池黝碧碧之隈青林鬼語
晝啾啾空廊虎跡宵旋回傳聞昔年盛金碧朝鍾暮鼓聲喧
逐爐烟不與雲斷續煨脚欲破山崔嵬數十年來變蕭索山
人指點餘莓苔羽衣散盡香火絕時有丐者僵苔堦我思化
人本無著偶然此地遺其骸愚夫竒貨據靈躡興廢乃到空

山來愀然日暮不能立松風萬壑鳴吾哀

客中聞雁

山明落日水明沙寂寞秋城感物華獨上高樓慘無語忽聞
孤雁竟思家和霜欲起千村杵帶月如聽絕漠笳我亦稻粱
愁歲暮年年星鬢爲伊加

初春

不分春風解勸餐只將幽恨上眉端將歸燕子休垂幕漸老
梅花莫倚闌最怕難醒惟獨醉生憎易中是輕寒新傳多少
紅箋字半爲昏眊未忍看

醉歌行別伍三

星熒熒月皦皦漏聲將殘客行少有客倉皇竄荒草十年仗

兩當軒詩鈔

卷十三

九

劍都亭行鼓刀賤者知姓名仰天酒盡各萬里驀地相逢服
華紫悲來歎吁浮雲四徂揮手且去各爲長圖浮雲何蕭蕭
川陸何悠悠白楊著霜古隴頭磬磬飛雁悲其儔嗚呼昨日
不知今日雨居者不識行者苦天寒日暮君莫留他日相逢
與君語

衡山高和趙味辛送余之湖南卽以留別

衡山高湘水深我爲此別難爲心君知我行不得意爲我翻
作衡山吟衡山吟聲漸苦悽斷湘絃冷湘浦女蘿山鬼風蕭
蕭七澤欲凍龍鼉嗥下見蒼梧萬里之大野上有祝融礙日

之高標魚龍廣樂不復作雁飛欲墮衰嗷嗷漁父拏舟入烟
水屈原行吟意未已千古騷人且如此我輩升沉偶然耳衡

山之吟吟且停此曲悽絕難爲聽我亦不用湘夫人我亦不
悲楚靈均只將此曲操入水雲去白寫牢落招羈魂前途但
恨少君共誰與醉倒金庭春春來沅芷倘堪折手把一枝歸
贈君

月下雜感

明月幾時有人間何事無傾城顧形影壯士撫頭顧方寸誰
堪比深宵我共孤感君行樂處分照及蓬廬

甬江舟中看山甚佳

甬江江頭發清曉四顧無如我舟早紅樹千行雁一聲兩岸
秋山入綿渺看山鎮日開孤篷轉帆面面臨樵風帆歛風急
作鴟叫頃刻已過山千重一峯對面一峯隔每見一峯浮一

兩當軒詩鈔

卷十三

十

白酒酣倒噶行雲來似有山靈謝顏色明朝還到海東頭青
天一髮見琉球此時回憶看山處又似蹄涔鼓櫂遊

和仇麗亭

八月從新安歸經武林與麗亭匆匆話別十月後
從山陰來麗亭出中秋兒贈詩五章次韻答之

前年爲訪天都去今歲因探禹穴來來往江潭各如夢逢君
仍在越王臺

鴻爪遊踪首重回經年襤襪逐塵埃青山笑客不歸去爲報
饑寒驅又來

典衣曾共湖干宿次第看花不憶家幾度哦君好詩句先生

意獨在梅花

與君同向梅花宿亂山堆
裏夢梅花君前後贈句也

多君憐我坐詩窮襪被蕭條囊橐空手指孤雲向君說卷舒

久已任秋風

惜別匆匆悔見遲楚雲千里是相思遙知此去湘潭柳一夕
時將楚遊

兩當軒詩鈔

卷十三

七

